



Prishtinë, më 7 shkurt 2022
Nr.ref.:RK 1945/22

VENDIM PËR TËRHEQJE TË KËRKESËS

në

rastin nr. KI199/21 dhe KI200/21

Parashtrues

**Aksić Gordana
dhe
Stanimirović Zvonimir**

Vlerësim i kërkесës së parashtruesve për tërheqjen e kërkësës për vlerësim të kushtetutshmërisë së vendimit të Agjencisë Kosovare të Privatizimit, të publikuar më 21 tetor 2021, në lidhje me listën përfundimtare të punëtorëve që kanë fituar të drejtën për shpërndarje të 20 përqindëshit nga privatizimi i Ndërmarrjes Shoqërore „Lidhja e Vozitësve“ nga Prizreni

GJYKATA KUSHTETUESE E REPUBLIKËS SË KOSOVËS

e përbërë nga:

Gresa Caka-Nimani, kryetare
Bajram Ljatifi, zëvendëskryetar
Selvete Gérxhaliu-Krasniqi, gjyqtare
Safet Hoxha, gjyqtar
Radomir Laban, gjyqtar
Remzije Istrefi-Peci, gjyqtare dhe
Nexhami Rexhepi, gjyqtar

Parashtruesi i kërkësës

- Kërkesa është dorëzuar nga Aksić Gordana me banim në fshatin Pllanjan, komuna e Prizrenit dhe, Stanimirović Zvonimir nga Prizreni, me banim të përkohshëm në Beograd, Republika e Serbisë (në tekstin e mëtejmë: parashtruesit e kërkësës).

Vendimi i kontestuar

2. Parashtruesit e kérkesës kontestojnë listën përfundimtare të Agjencisë Kosovare të Privatizimit (në tekstin e mëtejmë: AKP), të publikuar më 21 tetor 2021, në lidhje me listën përfundimtare të punëtorëve që kanë fituar të drejtën për shpërndarje të 20 përqindëshit nga privatizimi i Ndërmarrjes Shoqërore "Lidhja e Vozitësve" nga Prizreni (në tekstin e mëtejmë: NSH).

Objekti i çështjes

3. Objekti i çështjes është vlerësimi i kérkesës së parashtruesve për térheqje të kérkesës për vlerësimin e kushtetutshmërisë së vendimit të AKP-së të publikuar më 21 tetor 2021, në lidhje me listën përfundimtare të punëtorëve që kanë fituar të drejtën për shpërndarje të 20 përqindëshit nga privatizimi i NSH-së.

Baza juridike

4. Kérkesa bazohet në paragrafët 1 dhe 7 të nenit 113 [Juridiksiioni dhe Palët e Autorizuara] të Kushtetutës, nenet 22 [Procedimi i kérkesës] dhe 47 [Kérkesa individuale] të Ligjit për Gjykatën Kushtetuese të Republikës së Kosovës, nr. 03/L-121 (në tekstin e mëtejmë: Ligji) dhe në rregullin 32 [Parashtrimi i kérkesave dhe përgjigjeve] të Rregullores së punës së Gjykatës Kushtetuese të Republikës së Kosovës (në tekstin e mëtejmë: Rregullorja e punës).

Procedura në Gjykatën Kushtetuese

5. Më 9 nëntor 2021, Gjykata ka pranuar dy kérkesat e parashtruesve të kérkesës.
6. Më 22 nëntor 2021, Kryetarja e Gjykatës në kérkesën KI199/21 caktoi gjyqtaren Remzije Istrefi-Peci Gjyqtare raportuese dhe Kolegjin shqyrtyes, të përbërë nga gjyqtarët: Gresa Caka-Nimani (kryesuese), Bajram Ljatifi dhe Radomir Laban (anëtarë).
7. Të njëjtën ditë, Kryetarja e Gjykatës në kérkesën KI200/21, caktoi gjyqtarin Bajram Ljatifi Gjyqtar rapportues dhe Kolegjin shqyrtyes, të përbërë nga gjyqtarët: Selvete Gërxhaliu-Krasniqi (kryesuese), Remzije Istrefi-Peci dhe Nexhmi Rexhepi (anëtarë).
8. Më 3 dhjetor 2021, me vendimin e Kryetares së Gjykatës dhe në pajtim me rregullin 40.1 (Bashkimi dhe ndarja e kérkesave) të Rregullores së punës, kérkesa KI199/21 u bashkua me kérkesën KI200/21. Rrjedhimisht kérkesat do të shqyrtohen para Gjykatës si lëndë e bashkuar.
9. Më 8 dhjetor 2021, Gjykata njoftoi parashtruesit e kérkesës për regjistrimin e kérkesave dhe bashkimin e tyre.
10. Më 20 janar 2022, pasi shqyrtoi raportin e gjyqtares rapportuese, Kolegji shqyrtyes i rekomandoi Gjykatës miratimin e kérkesës për térheqje të dy kérkesave të parashtruesve.

Përbledhja e fakteve

11. Më 9 nëntor 2021, të dy parashtruesit e kërkesës i dorëzuan kërkesat e tyre, të cilat i ishin drejtar Dhomës së Posacme të Gjykatës Supreme për çështjet në lidhje me Agjencinë Kosovare të Privatizimit. Të dyja kërkesat ishin shkruar në formë të ankesës në të cilat parashtruesit e kërkesës kontestuan vendimin e AKP-së për listën përfundimtare të punëtorëve të NSH-ve, lidhur me ushtrimin e së drejtës për shpérndarjen e 20 përqindëshit nga privatizimi i saj.
12. Më 11 nëntor 2021, parashtruesit e kërkesës, duke kuptuar se kishin bërë gabim me rastin e dorëzimit të kërkesës, kërkuan me shkrim nga Gjykata që t'i térheqin kërkesat e tyre.

Kërkesa për térheqje të kërkesave KI199/21 dhe KI 200/21

13. Parashtruesit në kërkesën për térheqje, të cilën e dorëzuan në Gjykatë më 11 nëntor 2021, theksuan;

„Arsyeja jonë për térheqjen e të dyja kërkesave është se kemi bërë një gabim. Kërkesat ishin të destinuara për Dhomën e Posacme të Gjykatës Supreme, por ato janë dorëzuar nga ne në Gjykaten Kushtetuese. Prandaj, ne i térheqim kërkesat, në mënyrë që t'i dorëzojmë ato brenda afatit institucionit për të cilin janë të destinuara”.

Vlerësimi i kërkesës për térheqje të kërkesës

14. Në vlerësimin e pranueshmërisë së kërkesave, Gjykata së pari shqyrton nëse kërkesa i ka përbushur kriteret e përcaktuara me Kushtetutë, të parashikuara me Ligj dhe të specifikuara më tej me Rregullore të punës.
15. Megjithatë, në rrethanat e rastit konkret, duke marrë parasysh kërkesat e të dy parashtruesve për térheqjen e kërkesave të tyre, Gjykata së pari do të bëjë shqyrtimin e kësaj kërkese për térheqje dhe në këtë aspekt, Gjykata së pari i referohet dispozitave përkatëse ligjore dhe të Rregullores së punës:

*Neni 23
[Térheqja e palës]*

“Gjykata Kushtetuese do të vendos për çështjet që u janë referuar në mënyrë ligjore nga ana e palëve të autorizuara pavarësisht térheqjes së palës nga procedura”.

*Rregulli 35
[Térheqja, hedhja poshtë dhe refuzimi i kërkesës]*

“(1) Pala mund të térheqë kërkesën ose përgjigjen e parashtruar për atë kërkesë në çdo kohë para fillimit të seancës dëgjimore, ose në çdo kohë para marrjes së vendimit nga Gjykata, nëse vendimi merret pa seancë dëgjimore.

- (2) Pavarësisht tërheqjes së kërkesës, Gjykata mund të përcaktojë të vendosë përkitazi me kërkesën”.
16. Gjykata vëren që paragafi 1 i rregullit 35 të Rregullores së punës, i mundëson parashtruesve të kërkesave që të térheqin kërkesën e tyre a) para fillimit të seancës dëgjimore, ose b) para marrjes së vendimit nga Gjykata. Gjykata në bazë të nenit 23 të Ligjit dhe paragrafit 2 të rregullit 35 të Rregullores së punës, vendos për miratimin ose jo të kësaj kërkese.
 17. Në rr Ethanat e rastit konkret, Gjykata vlerëson se nuk ka ndonjë arsyе bindëse për vazhdimin e shqyrtimit të dy kërkesave të parashtruesve (Shih, rastin nr. KI04/17, parashtrues Z. K., Vendim për térheqje të kërkesës, i 28 korrikut 2017, paragafi 19 dhe rastin nr. KI110/17, parashtrues Sekule Stanković Vendim për térheqje të kërkesës, i 13 qershorit 2018, paragafi 18).
 18. Rrjedhimisht, Gjykata miraton kërkesën e parashtruesve për térheqjen e të dyja kërkesave në pajtim me nenin 23 të Ligjit dhe rregullin 35 të Rregullores së punës.

PËR KËTO ARSYE

Gjykata Kushtetuese e Republikës së Kosovës, në pajtim me nenin 113.7 të Kushtetutës, nenin 23 të Ligjit dhe rregullin 35 të Rregullores së punës, më 20 janar 2022, njëzëri


VENDOS

- I. TA MIRATOJË kërkesën për térheqjen e kërkesave nr. KI199/21 dhe KI200/21;
- II. T'UA KUMTOJË këtë vendim palëve;
- III. TA PUBLIKOJË këtë vendim në Gazetën Zyrtare, në pajtim me nenin 20.4 të Ligjit;
- IV. Ky vendim hyn në fuqi menjëherë.


Gjyqtarja raportuese



Remziye Istrefi-Peci



Kryetarja e Gjykatës Kushtetuese



Gresa Caka-Nimani